

OKVIRNI SPORAZUM
nabavka lož ulja za potrebe
Ministarstva unutrašnjih poslova Kantona Sarajevo

Strane u okvirnom sporazumu:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar, Admir Katica, (u daljem tekstu: Kupac) i

Green Oil d.o.o. Sarajevo, ulica Marka Marulića br. 4, ID broj 4200851420006, koga zastupa direktor, Reko Muhović, (daljem tekstu: Prodavac)

saglasno konstatuju:

- da je u skladu sa Zakonom o javnim nabavkama ("Službeni glasnik BiH", broj 39/14 59/22) proveden je otvoreni za nabavku lož ulja u skladu sa uslovima iz tenderske dokumentacije, sa ciljem zaključivanja okvirnog sporazuma sa jednim ponuđačem na period od dvije godine;
- nabavka je izvršena na osnovu Odluke broj 01-11-4-4645 od 29.07.2022. godine i Obavještenja o nabavci broj 1364-1-1-70-3-49/22 od 30.09.2022. godine
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- obaveza nastaje zaključivanjem pojedinačnih ugovora o javnoj nabavci, na osnovu ovog Okvirnog sporazuma, u zavisnosti od potreba Ugovornog organa, a pod uslovima utvrđenim u ponudi Prodavca broj 282-10/22 od 20.10.2022. godine kao i Izvještaj o toku i završetku e-aukcije od 27.10.2022. godine čine sastavni dio ovog ugovora.

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci lož ulja u skladu sa uslovima iz tenderske dokumentacije, ponudom Prodavca i stvarnim potrebama Ugovornog organa.

Količine navedene u specifikaciji su okvirne i važe za vrijeme važenja okvirnog sporazuma.

Cijena za robu iz člana 1. ovog ugovora, iznosi 121.732,08 KM bez PDV-a sa taksom koja iznosi 600,00 KM i obračunava se u iznosu od 0,01 KM po litru.

Ukupna cijena okvirnog sporazuma sa PDV-om i sa taksom iznosi 142.426,53 KM (stotinučetredesetdvijehiljadečetiristotinedvadesetšest i 53/100 KM)

Ugovorena cijena uključuje, pored navedenog i sve zavisne troškove.

Cijene su nepromjenjive sve dok Federalno ministarstvo trgovine ne odobri promjene cijena naftnih derivata. U slučaju promjene cijene Prodavac se obavezuje dostaviti važeći Obrazac o promjeni cijena Federalnog ministarstva trgovine.

U slučaju promjene cijene Prodavac se obavezuje da će uz fakturu dostaviti važeći Obrazac o promjeni cijena Federalnog ministarstva trgovine, a u tom slučaju na cijene iz OPC-a će se primjenjivati procenat umanjavanja cijene ostvaren na e-aukciji (14,05%).

Član 2.

Kupac će Prodavcu izvršiti plaćanje ugovorene vrijednosti iz člana 2. ovog ugovora, prema ispostavljenom računu.

Član 3.

Nakon zaključenja okvirnog sporazuma, Kupac će zaključiti pojedinačne ugovore o javnim nabavkama. Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Član 4.

Kupac će ugovorenu cijenu plaćati u zakonskom roku roku.

Član 5.

Prodavac je dužan da isporuku roba izvrši prema prihvaćenoj ponudi.

Član 6.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično. Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Dobavljač se obavezuje da nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 8.

Ovaj okvirni sporazum se zaključuje na period od dvije godine, a stupa na snagu danom obostranog potpisivanja.

Član 9.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Ovaj okvirni sporazum izrađen je u četiri istovjetna primjerka, od kojih po dva zadržava svaka strana.


PRODAVAC
Green Oil d.o.o. Sarajevo

direktor, Reko Muhović


KUPAC
MUP KANTONA SARAJEVO

ministar, Admir Katica

Broj: 339-12/22
Datum: 14.12.2022.

Broj: 01-11-4-4345-4
Datum: 07.12.2022. godine